

遊江湖間。往來賈販。常拯救人。以陰功及物。人多有見之。受其遺者。濤自後授泗州防禦使。歙州刺史。佐淮南吳王楊公行密。為副使相國。尋亦北歸。薛校書佐江西賓幕。知袁州軍務。值用軍之際。挈家之閩。至一小邑。姬者。俄以疾終。山中無求闕器之所。托一村翁。輟其壽棺而殮。斯棺裝漆金彩。頗甚珍華。既殮之後。方驗得好棺之言。及京宅。是日賓客小童。牽銅龜遊戲之事。無不驗者。

鈞磯立談

韓熙載

史某

昌黎韓熙載。字叔言。慷慨有才學。嘗著書號格言。傳於世家。故富豪。頗好侈快。不為烈祖所禮。元宗愛其詞章。且東宮舊僚也。故驟見任用。在朝挺挺諒直。不為權勢所喜。至誣以縱酒。黜為和州司馬。其實熙載酒量涓滴而已。久之復入綸掖。誥令典雅。有元和風采。江表碑碣。大手筆。咸出其手。初熙載自以羈旅。被遇。思展布支體。以報人主。內念報國之意。莫急於人材。於是大開門館。延納雋彥。凡占一伎一能之士。無不加意收采。唯恐不

及。雖久病疲。亦不廢接對。至誠獎進後輩。乃其天性。每得一文筆。手自繕寫。展轉愛玩。至其紙生毛。猶不忍遽捨。後房蓋聲伎。皆天下妙絕。彈絲吹竹。清歌豔舞之觀。所以娛侑賓客者。皆曲臻其極。是以一時豪傑如蕭儼。江文蔚。常夢錫。馮延巳。馮延魯。徐鉉。徐鍇。潘佑。舒雅。張洎。之徒。舉集其門。熙載又長於劇談。與相反覆論難。多深切當世之務。故熙載每有表疏論列。聞聽翕然。以為當愜。後主即位。適會朱元反叛。頗有疑此客之意。唯待熙載不衰。又熙載曾將命大朝。留不得遣。有詩題館中曰。我本江北人。去作江南客。還至江北時。舉目無相識。清風吹我寒。明月為誰白。不如歸去來。江南有人憶。時宰見而憫之。為白天子。遣還。以此之故。嫌疑不及。然熙載內亦不自安。因彌事荒蕪。殆於廢日。俸祿之數。不得充其用。及身沒之日。後主痛惜曰。天奪吾良臣。何速也。遂不爰立。顧左右曰。今將贈熙載以平章事。前代嘗有此例否。或對曰。劉穆之贈開府儀同三司。即其例也。後主即日出手書。詔贈以平章事。追諡曰文靖。葬於梅嶺。岡謝安墓例。江南人臣恩禮。少有其比。

唐闕史

李處士

高彥休

李文公。自文昌宮出。刺合淝郡。公性褊直方正。未嘗信巫覡之事。郡客李處士者。自云能通神人之言。言事頗中。合郡肅敬。如事神明。公下車旬月。乃投刺候謁。禮容甚倨。公謂曰。仲尼大聖也。而云未知生焉。知死。子能賢於宣文邪。生曰。不然。獨不見阮生著無鬼論。精辨宏瞻。人不能屈。果至見鬼乎。且公骨肉間。且夕當有遺疾。沉困者。苟晏安。酖毒則已。或五常粗備。漬於七情。孰忍視溺而不援哉。公愈怒。立命械繫之。夫人背疽。明日內潰。果噉食昏。頃刻不縻。遍召醫藥。會無少瘳。愛女十人。既笄。未嫁。環牀呱呱而泣。自歸。各於文公之桎。枯李生也。公以鴛鴦義重。息齋情牽。不得已。解縲綬而祈叩之。則曰。第手翰一狀。俟夜當祈之。宜留墨篆同焚。當可脫免。仍誠曰。慎勿箋易。鋌槩他無所須矣。公竟受教。即自草祝語。潔手書之。公性褊。且疑數紙皆誤。不能爽約。則又再書。炬炮更深。疲於毫視。竟意一幅。繕札稍嚴。而官位之中。竟箋一字。既逾時刻。遂并符以焚。焚畢。呻呼

頓減。合室相慶。黎明。李生候謁。公深德之。生曰。禍則見免。猶謂遲遲。誠公無得漏略。何為復注一字。公曰。無之。生曰。祝詞在斯。因探懷以出示。則昨夕所燼之文也。公驚愕。慚赧。避席而拜。酬之厚幣。竟無所取。旬日告別。不知所往。疾亦漸間。

俳優人

唐咸通中。俳優人李可及。滑稽諧戲。獨出輩流。雖不能託詭諷諭。然巧智敏捷。亦不可多得。嘗因延慶節。緇黃講論畢。次乃倡優為戲。可及褒衣博帶。攝齋以昇座。自稱三教論衡。偶坐者問曰。既言博通三教。釋迦如來。是何人。對曰。婦人。問者驚曰。何也。曰。金剛經云。敷座而坐。或非婦人。何煩夫坐。然後兒坐也。上為之啓齒。又問曰。太上老君。何人。曰。亦婦人也。問者益所不諭。乃曰。道德經云。吾有大患。為吾有身。及吾無身。吾有何患。儻非為婦人。何患於有娠乎。上大悅。又問曰。文宣王。何人也。曰。婦人也。問者曰。何以知之。曰。論語云。沽之哉。沽之哉。我待價者也。向非婦人。待嫁奚為。上意極歡。寵錫頗厚。

韋深